



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-050-2/24**
Datum: **08.02.2024. godina**

«Agencija za vodno područje rijeke Save» Sarajevo rješavajući po zahtjevu Investitora Alema Palalijske iz Kiseljaka za izdavanje vodne saglasnosti za ispuštanje tehnoloških otpadnih voda sa lokacije servisa za održavanje i popravak motornih vozila koji se planira graditi na zemljištu označenom kao k.č broj: 2236/3 K.O Višnjica, općina Kiseljak, na osnovu člana 139. stav (1) Zakona o vodama («Službene novine Federacije BiH, broj 70/06») i člana 200. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE

1. Odbija se zahtjev fizičkog lica Alema Palalijske iz Kiseljaka d.o.o. Sarajevo za izdavanje vodne saglasnosti za ispuštanje tehnoloških otpadnih voda sa lokacije servisa za održavanje i popravak motornih vozila koji se planira graditi na zemljištu označenom kao k.č broj: 2236/3 K.O Višnjica, općina Kiseljak, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ovoj rješenje ne oslobađa podnosioca zahtjeva obaveze pribavljanja vodne saglasnosti za čije izdavanje je nadležno Ministarstvo privrede Kantona Sarajevo, u skladu sa članom 139. stav (2) tačka 1. i 2. Zakona o vodama («Službene novine Federacije BiH», broj 70/06) kao i saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i sl.
3. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, korisnik objekta dužan je da pribavi vodne akte od nadležnog organa.

Obrazloženje

Dana 05.02.2024. godine fizičko lice Alem Palalijske uputilo je ovoj Agenciji zahtjev za donošenje rješenja o vodnoj saglasnosti za ispuštanje tehnoloških otpadnih voda sa lokacije servisa koji se planira graditi na zemljištu označenom kao k.č broj: 2236/3 K.O Višnjica, općina Kiseljak U provedenom postupku dostavljena je i pregledana sljedeća dokumentacija:

- Ovjerena kopija lične karte;
- Rješenje o urbanističkoj saglasnosti broj: 03-19-928/21 od 05.10.2021 godine, izdatog od strane Službe za gospodarstvo, urbanizam i prostorno planiranje Općina Kiseljak;
- Urbanističko tehnički uvjeti za lociranje objekta broj: 03-19-928/21 od 05.10.2021 godine, izdatog od strane Službe za gospodarstvo, urbanizam i prostorno planiranje Općina Kiseljak;
- Rješenje o okolišnoj dozvoli broj: 03-19-792/21 od 06.09.2021 godine, izdatog od strane Službe za gospodarstvo, urbanizam, zaštitu okoliša i komunalne poslove Općina Kiseljak;
- Kopija Katastarskog plana, razmjera 1:2500, broj: 05-26-665/2021-3 od 18.05.2021. godina izdatog od strane Službe za imovinsko-pravne poslove, geodetske poslove i katastar nekretnina Općine Kiseljak;
- Kopija zemljišnoknjižnog izvotka broj: 049-0-NAR-21-001528 od 06.05.2021. izdata od Općinskog suda u Kiseljaku;

- Glavni projekat vodovoda i kanalizacije za automehaničarsku radnju vlasnika Alema Palalije urađen od strane "ASI INŽENJERING" d.o.o. Sarajevo broj: 02-12/23 decembar 2023. godine.
- Dokaz o uplaćenju upravnoj pristojbi.

Na osnovu uvida u glavni projekat i dostavljenu dokumentaciju utvrđeno je sljedeće:

- Lokacija na kojoj je planirana izgradnja servisa za održavanje i popravak motornih vozila nalazi se u naselju Višnjica, općina Kiseljak.
- Parcele na kojima se planira graditi predmetni objekat ne nalazi se u zaštitnim zonama izvorišta vode za piće, kao ni u vodnom dobru i poplavnom području vodotoka I kategorije.
- U predmetnom objektu neće nastajati tehnološke otpadne vode iz procesa rada niti nastaju oborinske onečišćene vode a kako je to utvrđeno odredbama člana 3. stav (1) tačka (cc) i (s) Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije («Službene novine FBiH», br. 26/20, 96/20 i 1/24), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama («Službene novine Federacije BiH», broj 70/06), u skladu s članom 200. Zakona o upravnom postupku («Službene novine Federacije BiH», broj 2/98, 48/99 i 61/22) riješeno je kao u dispozitivu rješenja.

Imajući u vidu navedeno i na osnovu utvrđenog činjeničnog stanja, a u skladu sa članom 200. stav (1) Zakona o upravnom postupku, članom 139. stav (1) Zakona o vodama, riješeno je kao u dispozitivu ovoga Rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15. KM takse, prema tarifnom broju 3. Tarife federalnih administrativnih taksi.


Obradivač akta:

Meho Čaušević, B.Sc.ing.građ.

Prilog:

- Glavni projekat vodovoda i kanalizacije za automehaničarsku radnju vlasnika Alema Palalije urađen od strane "ASI INŽENJERING" d.o.o. Sarajevo broj: 02-12/23 decembar 2023. godine.

Po ovlaštenju
Rukovodilac sektora za izdavanje vodnih akata



Haris Ališehović
Haris Ališehović, dipl.ing.građ.

Dostaviti:

- Palalija Alem, ul. Višnjica 219, 71250 Kiseljak (sa prilogom)
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava